

丙籤二十七岑參之二

唐音統籤卷

一百二十四

五言古詩二

楚夕旅泊古興

獨鶴唳江月孤帆凌楚雲
秋風冷蕭瑟蘆荻花紛
紛一作紅忽思湘川老
欲訪雲中君麒麟息悲鳴
愁見豺虎羣

東歸晚次潼關懷古

暮春別鄉樹晚景低津樓
伯夷在首陽欲往無輕
舟遂登關城望下見洪
河流自從巨靈開流血千
萬秋行行潘生賦赫赫曹
公謀川上多往事淒涼

滿空洲

驪姬墓下作

夷吾重耳墓隔河相去十三里

驪姬北原上閉骨已千秋
滑水日東注惡名終不
流獻公恣耽惑視子如仇
讎此事成蔓草我來逢
古丘蛾眉山月苦蟬鬢
野雲愁欲吊二公子橫汾
無輕舟

先主武侯廟

先主與武侯相逢雲雷際
感通君臣分義激魚水
契遺廟空蕭然英靈貫千歲

文公講堂

文公不可見空使蜀人傳講席何時散高臺豈復
全豐碑文字滅冥漠不知年

揚雄草玄臺

吾悲子雲居寂寞人已去娟娟西江月猶照草玄
處精怪熹無人睢盱藏老樹

司馬相如琴臺

相如琴臺古人去臺亦空臺上寒蕭條至今多悲
風荒臺漢時月色與舊時同

嚴君平卜肆

君平曾賣卜卜肆蕪已久至今杖頭錢時時地上

有不知支機石還在人間否

張儀樓

傳是秦時樓巍巍至今在樓南兩江水千古長不
改曾聞昔人人歲月不相待

昇僊橋

長卿題柱去猶是未達時及乘駟馬車却從橋上
歸名共東流水滔滔無盡期

萬里橋

成都與維揚相去萬里地滄江東流疾帆去如鳥
翅楚客過此橋東看盡垂淚

石犀

江水初蕩滂蜀人幾爲魚向無爾石犀安得有邑
居始知李太守伯禹亦不如

龍女祠

龍女何處來來時乘風雨祠堂青林下宛宛如相
語蜀人競祈恩捧酒仍擊鼓

北庭西郊候封大夫受降回軍獻上

胡地昔蒼美輪臺征馬肥大夫討匈奴前月西出
師甲兵未得戰降虜來如歸橐駝何連連穹帳亦
纍纍陰山烽火滅劔水羽書稀却笑霍嫖姚區區

徒爾爲西郊侯中軍平沙懸落暉驛馬從西來雙
節夾路馳喜鵲捧金印蛟龍盤畫旗如公未四十
富貴能及時直上排青雲傷看疾若飛前年斬樓
蘭去歲平月支天子日殊寵朝廷方見推何幸一
書生忽蒙國士知側身佐戎幕斂衽事邊陲自逐
定遠侯亦着短後衣近來能走馬不弱并州兒

使交河郡郡在火山脚其地苦熱無雨雪獻
封大夫

奉使按胡俗平明發輪臺暮投交河城火山赤崔
嵬九月尚流汗炎風吹沙埃何事陰陽工不遣雨

雪來吾君方憂邊分聞資大才昨者新破胡安西
兵馬回鐵關控夫涯一作崖萬里何遑哉煙塵不敢
飛白草空皚皚軍中日無事醉舞傾金罍漢代李
將軍微功今可哈

登北庭北樓呈幕中諸公

嘗讀西域傳漢家得輪臺古塞千年空陰山獨崔
嵬二庭近西海六月秋風來日暮上北樓殺氣凝
不開大荒無鳥飛但見白龍堆舊國眇天末歸心
日悠哉上將新破胡西郊絕烟埃邊城寂無事撫
劍空徘徊幸得趨幕中託身厠羣才早知安邊計

未盡平生懷

初過隴山途中呈宇文判官

一驛過一驛驛騎如星流
平明發咸陽暮及隴山
頭隴水不可聽嗚咽令人愁
沙塵撲馬汗霧露凝
貂裘西來誰家子自道新封侯
前月發安西路上無停畱
都護猶未到來時在西州
十日過沙磧終朝風不休
馬走碎石中四蹄皆血流
萬里奉王事一身無所求
也知塞垣苦豈爲妻子謀
山口月欲出先照關城樓
谿流與松風靜夜相颼颼

颼一作別

家

一作來

賴歸夢山塞多離憂與子且攜手不愁前

路脩

初至西號官舍南池呈左右省及南宮諸故人

黜官自西掖待罪臨下陽空積犬馬戀豈思鷓鴣
行素多江湖意偶佐山水鄉滿院池月靜捲簾谿
雨涼軒牕竹翠濕案牘荷花香白鳥上衣桁青苔
生筆牀數公不可見一別盡相忘敢恨青瑣客無
情華省郎早年迷進退晚節悟行藏他日能相訪
嵩南舊草堂

陪狄員外早秋登府西樓因呈院中諸公

常愛張儀樓西山正相當千峯帶積雪百里臨城
牆煙氛掃晴空草樹映朝光車馬隘百井里閉盤
二江亞相自登壇時危安此方威聲振蠻貊惠化
鍾華陽旌節羅廣庭戈鋌凜秋霜階下貔虎士幕
中鷓鴣驚行今我忽登臨顧恩不望鄉知己猶未報
鬢毛颯已蒼時命難自知功業豈暫忘蟬鳴秋城
夕鳥去江天長兵馬休戰爭風塵尚蒼茫誰當共
攜手賴有冬官郎

秋夜宿僊遊寺南涼堂呈謙道人

太乙連太白兩山知幾重路盤石門窄匹馬行才

通日西到山寺林下逢支公昨夜山北時星星聞
此鐘秦女去已久僊臺在中峯簫聲不可聞此地
畱遺蹤石潭積黛色每歲投金龍亂流爭迅湍噴
薄如雷風夜來聞清磬月出蒼山空空山滿清光
水樹相玲瓏迴映映密竹秋殿隱深松燈影落前
谿夜宿水聲中愛茲林巒好結宇向谿東相識唯
山僧鄰家一釣翁林晚栗初拆枝寒梨已紅
興易愜事勝趣彌濃願謝區中緣永依金人窟寄
報乘輦客簪裾爾何容

梁州對雨懷麴二秀才便呈麴大判官時疾

贈余新詩

江上雲氣黑岬山昨夜雷水惡平明飛雨從岬冢
來濛濛隨風過蕭颯鳴庭槐隔簾濕衣巾當暑涼
幽齋麴生住相近言語阻且乖卧疾不見人午時
門始開終日看本草藥苗滿前堵兄弟早有名甲
第皆秀才二人事慈母不弱古老萊昨歎攜手遲
未盡平生懷愛君有佳句一日吟幾迴

西蜀旅舍春歎寄朝中故人呈狄評事

春與人相乖柳青頭轉白生平未得意覽鏡私自
惜四海猶未安一身無所適自從兵戈動遂覺天

地窄功業悲後時光陰歎虛擲却爲文章累幸有
開濟策何負當途人心無矜窘厄回瞻後來者皆
欲肆轡轍起草思南宮寄言憶西掖時危任舒卷
身退知損益窮巷草轉深閉門日將夕橋西暮雨
黑籬外春江碧昨者初識君相看俱是客聲華同
道術世業通往昔早須歸天階不得安孔席吾先
稅歸鞅舊國如咫尺

過梁州奉贈張尚書大夫公

漢中二良將今昔各一時韓信此登壇尚書復來
斯手把銅虎符身總丈人師錯落北斗星照耀黑

水涓英雄若神授大材濟時危頃歲遇雷雲精神
感靈祇勲業振青史恩德繼鴻私羌虜昔未平華
陽積僵屍人煙絕墟落鬼火依城池巴漢空水流
褒斜惟鳥飛自公布德政此地生光輝百堵創里
閭千家恤憚發層城重鼓角甲士如熊羆坐嘯風
自調行春雨仍隨芃芃麥苗長藹藹桑葉肥浮客
相與來羣盜不敢窺何幸承嘉惠小年卽相知富
貴情易疎相逢心不移置酒宴高館嬌歌雜青絲
錦席繡拂廬玉盤金屈卮春景透高戟江雲篔簹長
麾櫪馬嘶柳陰美人映花枝門傳大夫印世擁上

將旗承家令名揚許國苦節施戎幕寧久駐台階
不應遲別有彈冠士希君無見遺

酬成少尹駱谷行見呈

聞君行路難惆悵臨長衢豈不憚險艱王程剩相
拘憶昨蓬萊宮新授刺史符明主仍賜衣價值千
萬餘何幸承命日得與夫子俱攜手出華省連鑣
赴長途五馬當路嘶按節投蜀都千崖一作巖信縈

折一徑何盤紆層冰滑征輪密竹礙隼旗深林迷
昏且棧道凌空虛飛雪縮馬毛烈風擘我膚峯攢
望天小亭午見日初夜宿月近人朝行雲滿車泉

澆石鱗拆火入松心枯亞尹同心者風流賢大夫
榮祿上及親之官隨板輿高價振臺閣清詞出應
徐成都春酒香且用俸錢沽浮名何足道海上堪
乘桴

號中酬陝西甄判官見贈

徵才棄散地拙宦慙清時白髮徒自負青雲難可
期胡塵暗東洛亞相方出師分陝振鼓鼙二嶠滿
旌旗夫子廊廡器迥然青冥姿闕外佐戎律幕中
吐兵奇前者驛使來忽枉行軍詩畫吟庭花落夜
諷山月移昔君隱蘇門浪跡不可羈詔書自徵用

化入幕生風颺把筆判甲兵戰士不敢驕皆云梁
公後遇鼎還能調離別候經時音塵殊寂寥何當
見天子不歎鄉關遙

懷葉縣關操姚曠韓涉李叔齊

數子皆故人一時吏宛葉經年總不見書札徒滿
篋斜日半空庭旋風走梨葉去君千里地言笑何
時接

潼關使院懷王七季友

王生今才子

一作人

時輩咸所仰何當見顏色終日

勞夢想驅車到關下欲往阻河廣滿目徒春華思

君罷心賞開門見太華朝日映高掌忽覺蓮花峯
別來更如長無心顧微祿有意在獨往不負林中
期終當出塵網

宿東谿懷王屋李隱者

山店不鑿井百家同一泉晚來南村黑雨色和人
烟霜畦吐寒菜沙鴈噪河田隱者不可見天壇飛
鳥邊

宿華陰東郭客舍憶闔防

次舍山郭近解鞍鳴鐘時主人炊新粒行子克夜
饑關月生首陽照見華陰祠蒼茫秋山晦蕭瑟寒

松悲久從園廬別遂與朋知辭舊壑蘭杜晚歸軒
今已遲

卷終

丙籤二十七岑參之三

唐音統籤卷

一百二十五

五言古詩三

潼關鎮國軍勾覆使院早春寄王同州

胡寇尚未盡大軍鎮關門
旌旗遍草木兵馬如雲屯
聖朝正用武諸將皆承恩
不見征戰功但聞歌吹喧
儒生有長策閉口不敢言
昨從關東來思與故人論
何爲廊廟器至今居外藩
黃霸寧淹留蒼生望騰騫
卷簾見西岳僊掌明
■ 敷昨夜聞春風
戴勝過後園各自限官守
何由敘涼溫離憂不可忘
襟背思樹萱

郊行寄杜位

嶒翠空城煙淒清

一作涼

寒山景秋風引歸夢昨夜

到汝潁近寺聞鐘聲映陂見樹影所思何由見東
北徒引領

鞏北秋興寄崔明允

白露披梧桐玄蟬晝夜號秋風萬里動日暮黃雲
高君子佐休明小人事蓬蒿所適在魚鳥焉能狗
錐刀孤舟向廣武一鳥歸成臯勝槩日相與思君
心鬱陶

入劔門作寄杜楊二郎中時二公竝爲杜元

帥判官

不知造化初此山誰開坼雙崖倚天立萬仞從地
劈雲飛不到頂鳥去難過壁速駕畏巖傾單行愁
路窄平明地仍黑停午日暫赤凜凜三伏寒巉巉
五丁迹與時忽開閉作固或順逆磅礪跨岷峨巍
蟠限蠻貊星當觜參分地處西南僻陡覺煙景殊
杳將華夏隔劉氏昔顛覆公孫曾敗績始知德不
修恃此險何益相公總師旅遠近罷金革杜母來
何遲蜀人應更惜暫回丹青慮少用開濟策二友
華省郎俱爲幕中客良籌佐戎律精理皆碩畫高

文出詩騷奧學窮討贖聖朝無外戶寰宇被德澤
四海今一家徒然劔門石

上嘉州青衣山中峯題惠淨上人幽居寄兵

部楊郎中 并序

青衣之山在大江之中屹然迴絕崖壁蒼峭周
廣七里長波四匝有惠淨上人廬於其顛唯繩
牀竹杖而已恒持蓮花經十年不下山予自公
浮舟聯一登眺友人夏官弘農楊侯清談之士
也素工為文獨立於世與余有方外之約每多
獨往之意今者幽獨勝槩歎不得與此公俱爰
命小吏刮石壁識其事乃詩以達揚友爾

青衣誰開鑿獨在水中央浮舟一躋攀側逕緣一作

浴 穿蒼絕頂詣一作老僧豁然登上方諸嶺一何

令譽天下知別來春草長東望轉相思寂寞山城
暮空聞畫角悲

敬酬杜華淇上見贈兼呈熊曜

杜侯寔才子盛名不可及祗曾效

爲一作

一官今已

年四十是君■時者已有尚書郎憐君獨未遇淹
泊在他鄉我從京師來到此喜相見共論窮途事
不覺淚滿面憶昨癸未歲■元自江東得君江湖
詩骨氣凌謝公熊生尉淇上開館常待客喜我二
人來歡笑朝復夕縣樓歷春岸戴勝鳴花枝吾徒
在舟中縱酒兼彈碁三月猶未還客愁滿春草賴

蒙瑤華贈諷詠慰懷抱

春遇南使貽趙知音

端居春心醉襟背思樹豈美人在南州為爾歌北

門北風吹煙物戴勝鳴中園枯楊長

一作抽

新條芳

草滋舊根網絲結寶琴塵埃被空樽適遇江海信

聊與南客論

冀州客舍酒酣貽王綺寄題南樓

時王子欲應制舉西

上

夫子傲常調詔書下徵求知君欲謁帝秣馬趨西

周逸足何駸駸美聲實風流學富贍清詞下筆不

能休君家一何盛赫奕難爲儔伯父四五人同時
爲諸侯憶昨始相值值君客貝丘相看復乘輿攜
手到冀州前日在南縣與君上北樓野曠不見山
白日落草頭客舍梨花繁深花隱鳴鳩南隣新酒
熟有女彈箜篌醉後或狂歌酒醒滿離憂主人不
相識此地難淹留吾廬終南下堪與王孫遊何當
肯相尋澧上一孤舟

終南雲際精舍尋法澄上人
不遇歸高冠東潭石淙望秦嶺微雨作貽友人

昨夜雲際宿旦從西峯回不見林中僧微雨潭上

來諸峯皆晴一作翠秦嶺獨不開石鼓有時鳴秦

王安在哉東南雲開處突兀獼猴臺崖口懸瀑布

半空白皚皚河嶽英靈無以上四句有水噴壁四

時雨傍村終日雷北瞻長安道日夕生一作塵埃

若訪張仲蔚衡門滿蒿萊

青山峽口泊舟懷狄侍御

峽口秋水壯沙邊且停橈奔濤振石壁峯勢如動

搖九月蘆花新彌令客心焦誰念在江島故人滿

天朝無處豁心胸憂來醉能銷往來巴山道三見

秋草彫狄生新相知才調凌雲霄賦詩採一作造

小三江奔茫茫蘭若向西開峨眉正相當猿鳥樂
鐘磬松蘿泛天香江雲入袈裟山月吐繩牀早知
清淨理久乃機心忘尚以名宦拘聿來夷獠鄉吾
友不可見鬱爲尚書郎早歲愛丹經留心向青囊
渺渺雲智遠幽幽海懷長勝資欲與俱引領遙相
望爲政愧無術分憂幸時康君子滿天朝老夫憶
滄浪况值廬山遠抽簪歸法王

至

一作官

大梁却寄匡城主人

一從棄魚釣十載干明王無由謁天階却欲歸滄
浪仲秋至東郡遂見天雨霜昨日夢故山蕙草

一作

芳色已黃平明辭鐵丘薄暮遊大梁仲秋蕭條景
拔刺飛鷲鷄四郊陰氣一作參閉萬里無晶光長風
吹白茅野火燒枯桑故人南燕吏籍籍名更香聊
以■壺贈置之君子堂

宿太白東谿李老舍卽事寄弟姪

渭上秋雨過北風何騷騷天晴諸山出太白峯最
高主人東谿老兩耳生長毫遠近知百歲子孫皆
二毛中庭井欄上一架獼猴桃石泉飯香粳酒甕
開新槽愛茲田中趣始悟世上勞我行有勝事書
此寄爾曹

寄青城龍谿奩道人

青城即丈人山奩公有篇

五嶽之丈人西望青霄

一作惜惜

雲開露崖嶠百里

見石稜龍谿盤中峯上有蓮華僧絕頂小

一作蘭

若四時嵐氣

一作翠

凝身同雲虛無心與谿清澄誦

戒龍每聽賦詩人則稱杉風吹袈裟石壁懸孤燈

久欲謝微祿誓將歸大乘願聞開士說庶以心相

應

冬宵家會餞李郎司兵赴同州

急管雜青絲玉瓶金屈卮寒天高堂夜撲地飛雪

時賀君關西掾新綬腰下垂白面皇家郎逸翮青

雲姿明日且之官去他辰良會稀惜別冬夜短務歡
杯行遲季女猶自小老夫未令歸且看匹馬行不
得鳴鳳飛昔歲到馮翊人煙接京師會上月樓頭
遙見西嶽祠沙苑逼官舍蓮峯壓城池多暇或自
公讀書復彈棊州縣信徒勞雲霄亦可期應須力
爲政聊慰此相思

號州郡齋南池幽興因與閻二侍御道別

池色淨天碧水涼雨淒淒快風從東南荷葉翻向
西性本愛魚鳥未能返巖谿中歲狗微官遂令心
賞睽及茲佐山郡不異尋幽棲小吏趨竹徑訟庭

侵藥畦胡塵暗河洛二陝震鼓鼙故人佐戎軒逸
翻凌雲霓行車在函谷兩度聞鶯啼相看紅旗下
飲酒白日■聞君欲朝天駟馬臨道嘶仰望浮與
沈忽如雲與泥夜眠驛樓月曉發關城雞惆悵西
郊暮鄉書對君題

北庭貽宗學士道別

萬事不可料歎君在軍中讀書破萬卷何事來從
戎曾逐李輕車西征出太蒙荷戈月窟外擐甲崑
崙東兩度皆破胡朝廷輕戰功十年祇一命萬里
如飄蓬容鬢老胡塵衣裘脆邊風忽來輪臺下相

見披心胸飲酒對春草彈碁聞夜鐘今日還龜茲
臂上懸角弓平沙向旅館匹馬隨飛鴻孤城倚大
磧海氣迎邊空四月猶自寒天山雪濛濛君有賢
主將何謂泣途窮時來整六翮一舉凌蒼穹

青龍招提歸一上人遠遊吳楚別詩

久交應真侶最歎青龍僧棄官向二年削髮歸一
乘了然瑩心身潔念樂空寂名香泛牕戶幽磬清
曉夕往年杖一劍由是佐二庭於焉久從戎兼復
解論兵世人猶未知天子願相見朝從青蓮宇暮
入白虎殿宮女擎錫杖御筵出香爐說法開藏經

論邊窮陣圖忘機厭塵喧浪迹向江海思師石可
訪惠遠峯猶在今日飛錫去何時持鉢還湖煙冷
吳門淮月銜楚山一身如浮雲萬里過江水相思
渺天外一作南望無窮已

送顏平原

并序

十二年春有詔補尚書十數公爲郡守上親賦
詩觴羣公宴於蓬萊前殿仍賜以綰帛寵餞加
等參美顏公是
行爲寵別章句

天子念黎庶詔書換諸侯僊郎授剖符華省較分
憂置酒會前殿賜錢若山丘天章降三光聖澤該
九州吾兄鎮河朔拜命宣皇猷駟馬辭國門一星

東北流夏雲照銀印暑雨隨行輶赤筆仍在篋鑪
香惹衣裘此地鄰東溟孤城吊滄洲海風掣金戟
導吏呼鳴騶郊原北連燕剽劫風未休魚鹽隘里
巷桑柘盈田疇爲郡豈淹旬政成應未秋易俗去
猛虎化人似馴鷗蒼生已望君黃霸寧久留

送許拾遺恩歸江寧拜親

詔書下青瑣駟馬還吳洲束帛仍賜衣恩波漲滄
流微祿將及親向家非遠遊看君五斗米不謝萬
戶侯適出西掖垣如到南徐州歸心望海日鄉夢
登江樓大江盤金陵諸山橫石頭楓樹隱茅屋橘

林繫漁舟種藥疏故畦釣魚垂舊釣對月京口夕
觀濤海門秋天子憐諫官論事不可一作肯休早來
丹墀下高駕無淹留

送許子擢第歸江寧拜親因寄王大昌齡

建業控京口金陵款滄溟君家臨秦淮俯對石頭
城十年自勤學一鼓遊上京青春登甲科動地聞
香名解榻皆五侯結友盡羣英六月槐花飛忽思
葦菜羹跨馬出國門丹陽返柴荆楚雲引歸帆淮
水浮客程到家拜親時入門有光榮鄉人盡來賀
置酒相邀迎閑眺北顧樓一作登江樓醉眠湖上亭月

從海門出照見茅山青昔爲帝王州今幸天地一作

下平五朝變人世千載空江聲玄元告靈符丹洞

獲其銘皇帝受玉冊羣臣羅天庭喜氣薄太陽祥

光徹宵冥奔走朝萬國崩騰集百靈王兄尚謫宦

屢見秋雲生孤城帶後湖心與湖水清一縣無諍

辭有時開道經黃鶴垂兩翅徘徊但悲鳴相思不

可見空望牛女星

送狄員外巡按西山軍

得霽字

兵馬守西山中國非得計不知何代策空使蜀人
弊八州崖谷深千里雲雪閉泉澆閣道滑水凍繩

橋脆戰士常苦饑糗糧不相繼胡兵猶不歸空山
積年歲儒生識損益言事皆審諦狄子幕府郎有
謀必康濟胸中懸明鏡照耀無巨細莫辭冒險艱
可以裨節制相思江樓夕愁見月澄霽

送張秘書充劉相公通汴河判官便赴江外

覲省

前年見君時見君正泥蟠去年見君處見君已風
搏朝趨赤墀前高視青雲端新登麒麟閣適脫獬
豸冠劉公領舟楫汴水揚波瀾萬里江海通九州
天地寬昨夜動使星今日且送征鞍老親在吳郡令

弟雙同官鱸膾剝堪憶尊羹殊可餐既參幕中畫
復展膝下歡因送故人行試歌行路難何處路最
難最難在長安長安多權貴珂珮聲珊珊儒生直
如弦權貴不須干斗酒取一醉孤琴爲君彈臨岐
欲有贈持以握中蘭

送王著作赴淮西幕府

燕子與百勞一西復一東天空信寥廓翔集何時
同知己悵難遇良朋非易逢憐君心相親與我家
又通言笑日無度書札凡幾封湛湛萬頃波森森
千丈松不知有機巧無事干心胸滿堂皆酒徒豈

復羨王公早年抱將略累歲依幕中昨者從淮西
歸來奏邊功承恩長樂殿醉出明光宮逆旅悲寒
蟬客夢驚飛鴻發家見春草却去聞秋風月色冷
楚城淮光透霜空各自務功業當須激深衷別後
能相思何嗟山水重

武威送劉單判官赴安西行營便呈高開府
熱海亘鐵門火山赫金方白草磨天涯
胡沙莽茫茫夫子佐戎幕其鋒利如霜
中歲學兵符不能守文章功業須及時
立身有行藏男兒感忠義萬里忘越鄉
孟夏邊候遲胡國草未長馬疾過飛鳥天

窮超夕陽都護新出師五月發軍裝甲兵二百萬
錯落黃金光揚旗拂崑崙伐鼓震蒲昌太白引官
軍天威臨大荒西望雲似蛇戎夷知喪亾渾驅大
宛馬繫取樓蘭王會到交河城風土斷人腸塞驛
遠如點邊烽互相望赤亭多颺風鼓怒不可當有
時無人行沙石亂飄揚夜靜天蕭條鬼哭夾路傍
地上多髑髏皆是古戰場置酒高館夕邊城月蒼
蒼軍中宰肥牛堂上羅羽觴紅淚金燭盤嬌歌豔
新妝望若仰青冥短翮難可翔蒼然西郊道握手
何慨慷

送王大昌齡赴江寧

對酒寂不語悵然悲

一作愁

送君明時未

一作不

得用

白首徒攻文澤國從一官滄波幾千里羣公滿天

闕

一作闕下

獨去過淮水舊家富春渚嘗憶卧江樓自

聞君欲行頻望南徐州窮巷獨閉門寒燈靜深屋

北風吹微雪抱被肯同宿君行到京口正是桃花

時舟中饒孤興湖上多新詩潛虬且深蟠黃鵠舉

未晚

一作黃鶴飛來晚

惜君青雲器努力加餐飯

送永壽王贊府邇

一作邇

歸縣

得蟬字

當官接閑暇暫得歸林泉百里路不宿兩鄉山復

魚且願充文字登君尺素書

秋夕聽羅山人彈三峽流泉

皤皤岷山老抱琴蒼然衫袖拂玉徽爲彈三峽
泉此曲彈未半高堂如空山石林何颼颼忽在
牕戶間繞指弄鳴咽青絲激潺湲演漾怨澆雲
虛徐韻秋煙疑兼陽臺雨似雜巫山猿幽引鬼
神聽爭令耳目便楚客腸欲斷湘妃淚斑斑誰
裁青桐枝絙以朱絲絃能合古人曲邈與今人
傳知音難再逢惜年方老年曲終月已落惆悵
東齋眠

尹相公京兆府中棠樹降甘露詩

相國尹京兆政成人不欺甘露降厨庭上天表無
私非無他人家豈少羣木枝被茲甘棠樹美掩召
伯詩團團甜如蜜晶晶凝若脂千柯玉光碎萬葉
珠顆垂崑崙何時來慶雲相逐飛魏宮銅盤貯漢
帝金掌持王澤布人和精心動靈祇君臣日同德
積瑞方潛施何術令大臣感通能及茲忽驚政化
理暗與神物期却笑趙張輩徒稱今古稀爲君下
天酒麴蘖將用時

劉相公中書江山畫障

相府徵墨妙揮毫天地窟始知丹青筆能奪造化

功瀟湘在簾間廬壑橫座中忽疑鳳凰池暗與江
海通粉白湖上雲黛青天際峯晝日恒見月孤帆
如有風巖花不飛落澗草無春冬擔錫香爐緇釣
魚滄■翁如何平津意尚想塵外蹤富貴心獨輕
山林與彌濃喧幽趣頗異出處事不同請君爲蒼
生未可追赤松

精衛

負劔出北門乘桴適東溟一鳥海上飛云是帝女
靈玉顏溺水死精衛空爲名怨積徒有志力微竟
不成西山木石盡巨壑何時平

石上藤得上

字

石上生孤藤弱蔓依石長不絕高枝引未得凌空
上何處堪託身為君長萬丈

丙籤二十七岑參之四

唐音統籤卷

一百二十六

七言古詩

感遇二首

五花驄馬七香車云是平陽帝子家
鳳凰城頭日欲斜
門前高樹鳴春鴉
漢家魯元君不聞
今作城西一古墳
昔來唯有秦王女
獨自吹簫乘白雲
北山有芳杜靡靡花
正發未及得采之
秋風忽吹殺君不見
拂雲百丈青松柯
縱使秋風無奈何
四時常作青黛色
可憐杜花不相識

銀山積石館

銀山磧口風似箭鐵門關西月如練雙雙愁淚活
馬毛颯颯胡沙迸人面丈夫三十未富貴安能終
日守筆硯

邯鄲客舍歌

客從長安來驅馬邯鄲道傷心叢臺下一帶生蔓
草客舍門臨漳水邊垂楊下繫釣魚船邯鄲女兒
夜沽酒對客挑燈誇數錢酩酊醉時日正午一曲
狂歌壚上眠

登古鄴城

下馬登鄴城城空復何見東風吹野火暮入飛雲

殿城隅南對望陵臺漳水東流不復回武帝宮中
人去盡年年春色爲誰來

宿蒲關東店憶杜陵別業

關門鎖歸客一夜夢還家月落河上曉遙聞秦樹
鴉長安二月歸正好杜陵樹邊純是花

喜韓樽相過

三月灞陵春已老故人相逢耐醉倒麴頭春酒黃
花脂祿米只充沽酒資長安城中足年少獨共韓
侯開口笑桃花點地紅斑斑一作如錦斑有酒留君且
莫還與君兄弟日攜手世上虛一作浮名好是閑

偃師東與韓樽同詣景雲暉上人卽事

山陰老僧解楞伽
潁陽歸客遠相遇
煙深草濕昨夜雨
雨後秋風渡漕河
空山終日塵事少
平郊遠見行人小
尚書磧上黃昏鐘
別駕渡頭一歸鳥

醉題匡城周少府廳壁

婦姑城南風雨秋
婦姑城中人獨愁
愁愁雲遮却望鄉處
數日不上西南樓
故人薄暮公事閑
玉壺美酒琥珀殷
潁陽秋草今黃盡
醉卧君家猶未還

涼州館中與諸判官夜集

彎彎月出掛城頭
城頭月出照涼州
涼州城裏

一作

七十萬家胡人半解彈琵琶琵琶一曲腸堪斷風
蕭蕭兮夜漫漫河西幕中多故人故人別來三五
春花門樓前見秋草豈能貧賤相看老一生大笑
能幾迴斗酒相逢須醉倒

酒泉太守席上醉後作

琵琶長笛曲相和羌兒胡雛齊唱歌
渾炙犁牛烹野駝
交河美酒金叵羅
三更醉後軍中寢
無奈秦山歸夢何

燉煌太守後庭歌

燉煌太守才且賢
郡中無事高枕眠
太守到來山

出泉黃沙磧裏人種田燉煌耆舊鬢皓然願留太
守更五年城頭月出星滿天曲房置酒張錦筵美
人紅妝色正鮮側垂高髻插金釧醉坐藏鈎紅燭
前不知鈎在若箇邊爲君手把珊瑚鞭射得半段
黃金錢此中樂事亦已偏

臨河客舍呈狄明府兄留題縣南樓

黎陽城南雪正飛黎陽渡頭人未歸

一作黎陽渡
口人渡稀

河邊酒家堪寄宿主人小女能縫衣故人高卧黎
陽縣一別三年不相見邑中雨雪偏着時隔河東
郡人遙羨鄴都唯見古時丘漳水還如舊日流城

上望鄉應不見朝來好是嬾登樓

客舍悲秋有懷兩省舊遊呈幕中諸公

三度爲郎便白頭一從出守五經秋莫言聖主長
不用其那蒼生應未休人間歲月如流水客舍秋
風今又起不知心事向誰論江上蟬鳴空滿耳

玉門關蓋將軍歌

蓋將軍真丈夫行年三十執金吾身長七尺頗有
鬚玉門關城迥且孤黃沙萬里白草枯南鄰犬戎
北接胡將軍到來備不虞五千甲兵膽力盡軍中
無事但歡娛暖屋繡簾紅地爐織成壁衣花氍毹

燈前侍婢瀉玉壺金鐘亂點野酡酥紫紱金章左
右趨問着只是蒼頭奴美人一雙閑且都朱唇翠
眉映明矐清歌一曲世所無今日喜聞鳳將雛可
憐絕勝秦羅敷使君五馬漫脚踟野草繡窠紫羅
襦紅牙纓馬對樗蒲玉盤纖手撒作盧象中誇道
不會輸檉上昂昂皆駿駒桃花叱撥價最殊騎將
獵向城南隅臘日射殺千年狐我來塞外按邊儲
爲君取醉酒剗沽醉爭酒盞相喧呼忽憶咸陽舊
酒徒

贈酒泉韓太守

太守有能政遙聞如古人俸錢盡供客家計常清
貧酒泉西望玉關道千山萬積皆白草辭君走馬
歸長安憶君倏忽令人老

贈西嶽山人李岡

君隱處當一星蓮花峯頭飯黃精僊人掌上演丹
經鳥可到人莫攀隱來十年不下山袖中短書誰
爲達華陰道士賣藥還

太白胡僧歌

并序

太白中峯絕頂有胡僧不知幾百歲眉長數寸
身不製緇常衣以草葉恆持楞伽經雲壁迴絕
人迹罕到嘗東峯有鬪虎弱者將死僧杖而解
之西湫有毒龍久而爲患僧器而貯之商山趙

叟前年采茯苓深入太白偶值此僧訪我而
說予恆有獨往之意聞而悅之乃為歌曰

聞有胡僧在太白蘭若去天三百尺一持楞伽入

中峯世人難見但聞鐘牕邊錫杖解兩虎牀下鉢

盂藏一作盛一龍草衣不針復不線兩耳垂肩眉覆

面此僧年幾那得知手種青松今十圍心將流水

同清淨身與浮雲無是非商山老人已曾識願一

見之何由得山中有僧人不知城裏看山空黛色

漁父

扁舟滄浪叟心與滄浪清不自道鄉里無人知姓

名朝從灘上飯暮向蘆中宿歌竟還復歌手持一

竿竹竿頭釣絲長丈餘鼓棹乘流無定居世人那

得識

一作解

深意此翁取適非取魚

醉後戲與趙歌兒

秦州歌兒歌調苦偏能立唱濮陽女座中醉客不
得意聞之一聲淚如雨向使逢着漢帝憐董賢氣
咽不能語

入蒲關先寄秦中故人

秦山數點似青黛渭上一條如白練京師故人不可見寄將兩眼看飛燕

與獨孤漸道別長句兼呈嚴八侍御

輪臺客舍春草滿，潁陽歸客腸堪斷。窮荒絕漠鳥
不飛，萬磧千山夢猶嬾。憐君白面一書生，讀書千
卷未成名。五侯貴門脚不到，數畝山田身自耕。與
來浪跡無遠近，及至辭家憶鄉信。無事垂鞭信馬
頭，西南幾欲窮天盡。奉使三年獨未歸，邊頭詞客
舊來稀。借問君來得幾日，到家不覺換春衣。高齋
清晝卷羅幕，紗帽接離簫。不着中酒朝眠日，色高
彈碁夜半燈。花落冰片高堆金，錯盤滿堂凜凜五
月寒。桂林蒲萄新吐蔓，武城刺蜜未可餐。軍中置
酒夜搥鼓，錦筵紅燭月未午。花門將軍善胡歌，葉

河蕃王能漢語知爾園林壓渭濱夫人堂上泣羅
裙魚龍川北盤谿雨鳥鼠山西洮水雲臺中嚴公
於我厚別後新詩滿人口自憐棄置天西頭因君
爲問相思否

送李副使赴磧西官軍

火山六月應更熱赤亭道口行人總知君慣度祈
連城豈能愁見輪臺月脫鞞衣一作暫入酒家壚送
君萬里西擊胡功名秣向馬上取真是英雄一丈

夫

送張獻心充副使歸河西雜句

將門子弟君獨賢一生受命常在邊未年三十已
高位腰間金印色赭然前日承恩白虎殿歸來見
者誰不羨篋中賜衣十重餘案上軍書十二卷看
君謀智若有神愛君詞句皆清新澄湖萬頃深見
底清冰一片光照人雲中昨夜使星動西門驛樓
出相送玉瓶素蟻臘酒香金鞭白馬紫遊韁花門
南燕支北張掖城頭積雲一作黑送君一去天外
憶

西亭子送李司馬

高高亭子郡城西直上千尺與雲齊盤崖緣壁試

攀躋羣山向下飛鳥低使君五馬天半嘶絲繩玉
壺爲君提坐來一望無端倪紅花綠柳鶯亂啼千
家萬井連迴谿酒行未醉聞暮雞點筆操紙爲君
題爲君題惜解攜草萋萋沒馬蹄

送魏升卿

一作
叔虹

擢第歸東都因懷魏校書陸

渾喬潭

井上桐葉赤

一作
南

灞亭卷秋風故人適戰勝匹

一作

走馬歸山東問君今年三十幾能使香名滿人耳

君不見三峯直上五千里見君文章亦如此如君
兄弟天下稀雄辭健筆皆若飛將軍金印鞶紫綬

御史鐵冠重繡衣喬生作尉別來久因君爲問平
安否魏侯校理復何如前日人來不得書陸渾山
下佳可賞蓬閣閑時日應往自料青雲未有期誰
知白髮偏能長壚頭青絲白玉瓶別時相顧酒如
傾搖鞭舉袂忽不見千樹萬樹空蟬鳴

送宇文南金放後歸太原寓居因呈太原郝

主簿

歸去不得意北京關路賒却投晉山老愁見汾陽
花翻作灞陵客憐君承州家夜眠旅舍雨曉辭春
城鴉送君繫馬青門口胡姬壚頭勸君酒爲問太

原賢主人春來更有新詩否

送魏四落第還鄉

東歸不稱意客舍戴勝鳴臘酒飲未盡春衫縫已
成長安柳枝春欲來洛陽梨花在前開魏侯池館
今尚在猶有太師歌舞臺君家盛德豈徒然時人
注意在吾賢莫令別後無佳句祇向壚頭空醉眠

送韓奕入都覲省便赴舉

槐葉蒼蒼柳葉黃秋高八月天欲霜青門百壺送
韓侯白雲千里連嵩丘北堂倚門望君憶東歸扇
枕後秋色洛陽才子能幾人明年桂枝是君得

送費子歸武昌

漢陽歸客悲秋草
旅舍葉飛愁不掃
秋來倍憶武昌魚
夢着只在巴陵道
曾隨上將過祈連
離家十年恒在邊
劔鋒可惜虛用盡
馬蹄無事今已穿
知君開館常愛客
樽蒲百金每一擲
平生有錢將與人
江上故園空四壁
吾觀費子毛骨奇
廣眉大口仍赤髭
看君失路尚如此
人生貴賤那得知
高秋八月歸南楚
東門一壺聊出祖
路指鳳凰山北雲
衣沾鸚鵡洲邊雨
勿歎蹉跎白髮新
應須守道勿羞貧
男兒何必戀妻子
莫向江村老却人

送郭又雜言

地上青草出經冬今始歸博陵無近信猶未換春
衣憐汝不忍別送汝上酒樓初行莫早發且宿灞
橋頭功名須及早歲月莫虛擲早年已工詩近日
兼注易何時過東洛早晚度盟津朝歌城邊柳鞞
地邯鄲道上花撲人去年四月初我正在河朔曾
上君家縣北樓樓上分明見恒嶽中山明府待君
來須計行程及早回到家速覓長安使待汝書封
我自開

梁園歌送河南王說判官

君不見梁孝王修竹園頽牆隱鱗勢仍存嬌娥曼
臉成草蔓羅帷珠簾空竹根大梁一旦人代改秋
月春風不相待池中幾度鴈新來洲上千年鶴應
在梁園中有鴈池鶴洲梁園二月梨花飛却似梁王雪下時
當時置酒延枚叟肯料平臺烏兔走萬事翻覆如
浮雲昔人空在今人口單父古來稱宓生祇今爲
政有吾兄家兄時宰單父軒若過梁園道應傷琴臺聞
政聲

敷水歌送竇漸入京

羅敷昔時秦氏女千載無人空處所昔時流水至

今流萬事皆逐東流去此水東流無盡期水聲還
似舊來時岸花仍自羞紅臉隄柳猶能學翠眉春
去秋來不相待水中月色長不改羅敷養蠶空耳
聞使君五馬今何在九月霜天水正寒故人西去
度征鞍水底鯉魚幸無數願君別後垂尺素

青門歌送東臺張判官

青門金鎖平旦開城頭日出使車回青門柳枝正
堪折路傍一日幾人別東出青門路不窮驛樓官
樹灞陵東花撲征衣看似繡雲隨去馬色疑驄胡
姬酒壚日未午絲繩玉缸酒如乳灞頭落花沒馬

蹄昨夜微雨花成泥黃鸝翅濕飛轉低關東尺書
醉嬾題須臾望君不可見揚鞭飛鞚疾於箭借問
使乎何時來莫作東飛百勞西飛燕

函谷關歌送劉評事使關西

君不見見函谷關崩城毀壁至今在樹根草蔓遮古
道空谷千年長不改寂寞無人空舊山聖朝無外

一作不須關白馬公孫何處去青牛老人更不還

蒼苔白骨空滿地月與古時長相似野花不省見
行人山鳥何曾識官吏故人方乘使者車吾知郭
丹却不如請君時憶關外客行到關西多致書

白雪歌送武判官歸京

北風捲地白草折胡天八月卽飛雪忽如一夜春
風來千樹萬樹梨花開散入珠簾濕羅幕狐裘不
煖錦衾薄將軍角一作弓不得控都護鐵衣冷難

着瀚海闌干千尺冰愁雲慘淡萬里凝中軍置酒
飲歸客胡琴琵琶與羌笛紛紛暮雪下轅門風掣
紅旗凍不翻輪臺東門送君去去時雪滿天山路
山迴路轉不見君雪上空留馬行處

天山雪歌送蕭治歸京

天山雪雲常不開千峯萬嶺雪崔嵬北風夜捲赤

亭口一夜天山雪更厚能兼漢月照銀山復逐胡
風過鐵關交河城邊飛鳥絕輪臺路上馬蹄滑
曉靄寒氛萬里凝闌干陰崖千丈冰將軍狐裘卧不
煖都護寶刀凍欲斷正是天山雪下時送君走馬
歸京師雪中何以贈君別惟有青青松樹枝

走馬川行奉送出師西征

君不見走馬川_西雪海邊平沙莽莽黃入天輪臺
九月風夜吼一川碎石大如斗隨風滿地石亂走
匈奴草黃馬正肥金山西見煙塵飛漢家大將西
出師將軍金甲夜不脫半夜軍行戈相撥風頭如

刀面如割馬毛帶雪汗氣蒸五花連錢旋作冰幕
中草檄硯水凝虜騎聞之應膽懾料知短兵不敢
接車師西門佇獻捷

熱海行送崔侍御還京

側聞陰山胡兒語西頭熱海水如煮海上衆鳥不
敢飛中有鯉魚長且肥

海中有赤

岸傍青草常不歇

空中白雪遙旋滅蒸沙爍石然虜雲沸浪炎波煎
漢月陰火潛燒天地鑪何事偏烘西一隅勢吞月
窟侵太白氣連赤坂通單于送君一醉天山郭正
見夕陽海邊落柏臺霜威寒逼人熱海炎氣爲之

一作薄

火山雲歌送別

火山突兀赤亭口火山五月火雲厚火雲滿山凝
未開飛鳥千里不敢來平明乍逐胡風斷薄暮渾
隨塞雨回繚繞斜吞鐵關樹氛氲半掩交河戍迨
迨征路火山東山上孤雲隨馬去

輪臺歌奉送封大夫出師西征

輪臺城頭夜吹角輪臺城北旄頭落羽書昨夜過
渠黎單于已在金山西戍樓西望燁塵黑漢兵屯
在輪臺北上將擁旄西出征平明吹笛大軍行四

邊伐鼓雪海湧三軍大呼陰山動虜塞兵氣連雲
屯戰場白骨纏草根劔河風急雲片闊沙口石凍
馬蹄脫亞相勤王甘苦辛誓將報主靜邊塵古來
青史誰不見今見功名勝古人

胡笳歌送顏真卿使赴河隴

君不聞胡笳聲最悲紫髯碧

一作綠

眼胡人吹吹之

一曲猶未了愁殺樓蘭征戍兒涼秋八月蕭關道
北風吹斷天山草崑崙山南月欲斜胡人向月吹
胡笳胡笳怨方將送君秦山遙望隴山雲邊城夜
夜多愁夢向月胡笳誰喜聞

秦箏歌送外甥蕭正歸京

汝不聞秦箏聲最苦五色纏絃十三柱怨調慢聲
如欲語一曲未終日移午紅亭水木不知暑忽彈
黃鍾和白紵清風颯來雲不去聞之酒醒淚如雨
汝歸秦兮彈秦聲秦聲悲兮聊送汝

題李士曹廳壁畫度雨雲歌

似出棟梁裏如和風雨飛掾曹有時不敢歸謂言
雨過濕人衣

衛節度赤驃馬歌

君家赤驃畫不得一團旋風桃花色紅纓紫鞵珊

瑚鞭玉鞍錦鞵黃金勒請君鞍出看君騎尾長窄
地如紅絲自矜諸馬皆不及却憶百金新買時香
街紫陌鳳城內滿城見者誰不愛揚鞭驟急白汗
流弄影行驕碧蹄碎紫髯胡雛金剪刀平明剪出
三鬣高櫪上看時獨意氣衆中牽出偏雄豪騎將
獵向南山口城南狐兔不復有草頭一點疾如飛
卻使蒼鷹翻向後憶昨看君朝未央鳴珂擁蓋滿
路香始知邊將真富貴可憐人馬相輝光男兒稱
帝得如此駿馬長鳴北風起待君東去掃胡塵爲
君一日行千里

田使君美人舞如蓮花北鋌歌

此曲本出北同城

美人舞如蓮花旋世人有眼應未見高堂滿地鋪

一作

韃毼試舞一曲天下無此曲胡人傳入漢諸

客見之驚且歎慢臉嬌娥纖復穠輕羅金縷花蔥

龍回裾轉袖若飛雪左鋌生旋風琵琶橫笛

和未匝花門山頭黃雲合忽作出塞入塞聲白草

胡沙寒颯颯翻身入破如有神前見後見回回新

始知諸曲不可比采蓮落梅徒聒耳世人學舞祇

是舞姿態豈能得如此

裴將軍宅蘆管歌

遼東九月蘆葉斷遼東小兒采蘆管可憐新管清
且悲一曲風飄海頭滿海樹蕭索天雨霜管聲寥
亮月蒼蒼白狼河北堪愁恨玄菟城南皆斷腸遼
東將軍長安宅美人蘆管會佳客弄調吹颺勝洞
簫發聲窈窕欺橫笛夜半高堂客未回祇將蘆管
送君杯巧能陌上驚楊柳復向園中誤落梅諸客
愛之聽未足高捲珠簾列紅燭將軍醉舞不肯休
更使美人吹一曲

范公叢竹歌

并序

職方郎中兼侍御史范公迺於陝西使院內種
竹新製叢竹詩以見示美范公之清致雅操遂

爲歌以

和之

世人見竹不解愛知君種竹府庭內此君托根幸
得地種來幾時聞已大盛暑脩脩叢色寒閉宵撼
撼葉聲乾能清案牘簾下見空對琴書牕外看爲
君成陰將蔽日迸笋穿堦踏還出守節偏凌御史
霜虛心願比郎官筆君莫愛南山松樹枝竹色四
時也不移寒天草木黃落盡猶自青青君始知

韋員外家花樹歌

今年花似去年好去年人到今年老始知人老不
如花可惜落花君莫掃君家兄弟不可當列卿御

史尚書郎朝回花底恒會客花撲玉缸春酒香

蜀一作葵英華作劉春虛詩注云附見岑參集作參者似誤花歌

昨日一花開今日一花開今日花正好昨日花已

老人生不得長少年莫惜牀頭沽酒錢請君有錢

向酒家君不見蜀葵花

優鉢羅花歌并序

參嘗讀佛經聞有優鉢羅花日所未見天寶庚申歲參忝大理評事攝監察御史領伊西北庭度支副使自公多暇乃於府庭內栽樹種藥為山鑿池婆娑乎其間足以寄傲交河小吏有獻此花者云得之於天山之南其狀異於眾草勢龍從如冠弁巖然上聳生不傍引攢花中拆駢葉外包異香騰風秀色媚景因賞而歎曰爾不生於中土僻在遐裔使牡丹價重芙蓉譽高惜

唐音統籤 卷一百二十六 十七 丙

哉夫天地無私陰陽無偏各遂其生自物厥性
豈以偏地而不生乎豈以無人而不芳乎適此
花不遭小吏終委諸山谷亦何異懷才之士
未會明主擯於林藪耶因感而爲歌歌曰

白山南赤山北其間有花人不識綠莖碧葉好顏
色葉六瓣花九房夜掩朝開多異香何不生彼中
國兮生西方移根在庭媚我公堂耻與衆草之爲
伍何亭亭而獨芳何不爲人之所賞兮深山窮谷
委嚴霜吾竊悲陽關道路長曾不得獻於君王